


نار دی چھوٹی کتاب

پنجابی بولی وچ

پنڈاں دی مسیحی جماعتاں لئی

کرپن نارج سوسائٹی



انار کلی لاہور

۶۱۹ ۱۷

قیمت ۵ پائی

بارششم (۱۰۰۰)

غلام قادر مسیحی پرنٹر گوال منڈی لاہور کی معرفت
جارج سٹیم پریس لاہور میں چھپی

پنجابی بولی وچ نماز دی کتاب

ساری جماعت کھلو جائے تے پھیرا بنناں
آیتاں روچوں اک دو پڑھیاں جان

- ۱۔ میں اُٹھ کے اپنے باپ کوں جادانگا۔ تے اُہنوں آکھاںگا۔ پئی اے باپ میں آسمان وائے تیرا گناہ کیتا ہے۔ تے ہُن میں اِس گل جو گنا بھی نہیں رہیا جو تیرا پتر کہاواں۔ (انجیل لوقا ۱۵ باب ۱۸ آیت) *
- ۲۔ خداوند توں جدوں تیکر اُہ مل سکے لہتھو۔ تے جدوں تیکر اُہ ٹپے ہے اُہنوں وھیاؤ۔ (یسایہ ۵۵ باب ۶ آیت) *
- ۳۔ جے اسیں آکھئے پئی ساڈے وچ گناہ نہیں ہے۔ تاں اپنے آپ نوں دھوکھا دیتدے ہاں۔ تے ساڈے وچ سچمائی نہیں ہے۔ جے اسیں اپنے گناہاں دا اقرار کریئے۔ تاں اُہ سچا تے نیائیں ہے۔ جو ساڈے گناہاں نوں بخشے۔ تے ساوَن ساری بے ایمانگی نتھوں پاک کرے۔ (یوحنا ۱ باب ۸ و ۹ آیت) *
- ۴۔ آؤ اسیں سجدہ کریئے تے سر جھکا کے اپنے پیدا کرن والے خداوند اگے گوڈے نوائیے۔ (زبور ۹۵ آیت ۶) *
- ۵۔ جہڑا اپنے گناہاں نوں لکاؤندا ہے۔ اُہدا کدی بھلا نہ ہووینگا۔

تے جھڑا اُہتاں نوں متدا تے چھڈ دیتا ہے۔ اُہدے اُتے
رحم کیتا جائے گا۔ (امثال ۲۸ باب ۱۳ آیت) +

خدا دیاں قربانیاں ٹٹّی ہوئی جان ہین اے خدا توں ٹٹّے
تے مارے گئے دل نوں ماڑیاں نہ سمجھیں گا (زبور ۱۴۱ آیت ۱۷) +

گناہاں دا اقرار

جماعت ایستھے عاجزی نال گوڑے نوا
کے خادم الدین دے مگر مگر آکھے

اے قادر کریم باپ۔ اساں بھلیاں ہوئیاں بھیداں وانگوں
تیرا راہ چھڈیا ہے۔ اسیں اپنے من دیاں دلیلاں دے پچھے بہت
ہی لگے رہے ہاں۔ جہڑے کم سانوں کرنے چاہیدے سن۔ اُہ اساں
نہیں کیتے۔ تے جہڑے نہیں سن چاہیدے۔ اُہ اساں کیتے ہین۔
ساڈے وچ تے کجھ بھلیائی نہیں۔ تد بھی اے خداوند۔ اساں
عاجزاں گنہگاراں اُپر رحم کر۔ تے جہڑے اپنے قصوراں نوں مندے
ہین۔ خدایا اُنہاں نوں چھڈ دے۔ تے جنہاں دلوں توبہ کیتی ہے۔ اُنہاں
نوں اپنے راہ ول پھیر۔ اُنہاں وعدیاں موجب جہڑے توں ساڈے خداوند
یسوع مسیح دے وسیلے بندیاں نال کیتے ہین۔ تے اُہدے واسطے اے
مہربان باپ۔ اہ بخشہ جو ایدوں آگے۔ ایمان تے نیکی تے پرہیزگاری نال
اسیں اپنے دن پورے کریٹے۔ تاں جو تیرے نام دی وڈیائی ہووے۔ آمین +

معافی دا کلمہ

ایتھے قیس کھلو کے معافی دا کلمہ
پڑھے تے جماعت سجدہ کرے

قادر مطلق خدا ساڈے خداوند یسوع مسیح دا باپ۔ کسے گنہگار
دی موت نہیں چاہندا۔ پر راہ چاہندا ہے۔ جو اہ اپنی بُریائی کھوں باز
آئے۔ تے جیوئدا رہے۔ تے اُن اپنے خادماں نوں راہ اختیار تے حکم
دیتا ہے جو اُہدے بندیاں نوں جہڑے توبہ کرے ہن۔ اُنہاں دے
گناہاں دی معافی دی خبر دین۔ جہڑے سچی توبہ کرے ہن تے اُہدی
پاک انجیل اُتے نہرویر ایمان لیاؤندے ہن۔ اُنہاں سبھناں نوں اُہ
معاف کردا تے بخشدا ہے۔ سو آؤ اسیں اُہدی منت کریئے۔ جو اُہ
سانوں سچی توبہ تے اپنا رُوح القدس دے۔ پئی جہڑے کم اسیں
ہُن کرنیاں۔ اُنہوں پسند آؤن۔ تے آگے نوں ساڈی رہنڈی عمر
صفائی تے پاکیزگی نال بیٹے۔ تاں جو اوڑک نوں اُہدی سدا دی
خوشی وِج پہنچے۔ ساڈے خداوند یسوع مسیح دے وسیلے نال۔ آمین۔

جے قیس حاضر نہ ہووے تاں
نماز کراؤن والا راہ پڑھے

سنوں کیڈی تسلی دیاں گلاں بیبل شریف وِج اُنہاں لوکاں
لئی لکھیاں ہوئیاں ہن۔ جہڑے توبہ کر کے سچے دل نال خدا ول

مڑ دے ہین +

۱۔ تئیں جہڑے تھکے تے بھارتال لدے ہوئے ہو میرے کول آؤ

ہیں تہانوں آرام دیاںگا۔ آمین۔ (متی ۱۱ باب ۲۸ آیت) +

۲۔ خدانے دُنیا تال ایڈا پیار کیتا۔ جو اُس نے اپنا اکلوتا بیٹا
بخشیا۔ پئی جہڑا اُہدے اُتے ایمان لیاوے۔ فنا نہ ہووے۔ سگوں

ہمیشہ دی زندگی پاوے۔ آمین۔ (یوحنا ۳ باب ۱۶ آیت) +

۳۔ سچّی تے سُنن لائق گل ایہوئے جو مسیح یسوع گنہگاراں دے

بچاؤن لئی دُنیا وِج آیا۔ آمین۔ (۱۔ تیمتھس ۱ باب ۱۵ آیت) +

۴۔ جے کوئی گناہ کرے۔ تاں یسوع مسیح راستباز باپ کول ساڈا

شفیع ہے تے اُہ ساڈے گناہاں دا کفارہ ہے۔ آمین۔ (ایوحنا

۲ باب ۲ و ۳ آیت) +

رَبّانی دُعا

اے ساڈے باپ جو اسماناں اُتے ہیں۔ تیرا نام پاک لکھیا

جائے تیرا راج آوے۔ تیری مرضی جس طرح اسماناں اُتے پوری ہندی

ہے زمین اُتے بھی ہووے۔ ساڈے روز دی روٹی اج سانوں

دے۔ تے ساڈیاں قصوراں نوں بخش دے۔ جس طرح اسیں اپنے قصور واراں

نوں بخش دیتے ہاں۔ تے سانوں آزمائش وِج نہ پا۔ سگوں بُریائی تھو

بچا۔ کیوں جو راج تے قدرت تے وڈیائی سدا تیری ہی ہے۔ آمین +

جماعت ہُن پھیر گوڑے نوا کے جواب دیوے

خادم الدین۔ اے خداوند توں ساڈی زبان تور +
جواب۔ جو ساڈے مُنہاں نقّوں تیری وڈیائی ہووے +
خادم الدین۔ اے خدا چھیتی نال سانوں بچالے +
جواب۔ اے خدا ہتے ساڈی مدد کر +

ایستے سارے کھلو جان

خادم الدین۔ تعریف باپ تے پیٹے تے رُوح القدس دی ہووے +
جواب۔ جیہی تڈھوں سی ہُن بھی ہے تے سدا رہے گی۔ آمین +
خادم الدین۔ رب دی وڈیائی کرو +
جواب۔ رب دے نام دی وڈیائی ہووے +

الحمد

۱۔ اے خدا اسیں تیری حمد کرتے ہاں۔ تیتوں اسیں رب العالمین
سندے ہاں +

۲۔ اے ابدی باپ۔ سارا جہان تیری عبادت کردا ہے +
۳۔ سارے فرشتے تیرا نام لیندے ہین۔ نالے اسمان تے
اُنہاں دے کُل اختیار والے +

۴۔ کروہیم تے سراہیم۔ تیرا نام سدا لیندے ہین +

۵۔ قدّوس۔ قدّوس۔ قدّوس۔ لشکراں دا خداوند خدا +

- ۷۔ اسمان تے زمین۔ تیری جناب دی شان نال بھرے ہوئے ہین۔
- ۸۔ رسولان دی بزرگ جماعت۔ تیری وڈیائی کردی ہے۔
- ۹۔ پیغمبراں دی شریف مجلس۔ تیری وڈیائی کردی ہے۔
- ۱۰۔ شہیداں دی نورانی فوج۔ تیری وڈیائی کردی ہے۔
- ۱۱۔ سارے جہان دی پاک کلیسیا۔ تیرا اقرار کردی ہے۔
- ۱۲۔ کہ تُوں باپ ہین۔ تیری شان بے انت۔
- ۱۳۔ نالے تیرا بزرگ۔ تے اصلی تے اکلوتا بیٹا۔
- ۱۴۔ تے رُوح القدس بھی۔ جو فارقلیط ہے۔
- ۱۵۔ مسیحا تُوں جلال دا بادشاہ ہین۔ تُوں باپ دا ازلی بیٹا ہین۔
- ۱۶۔ جد تُوں آدمی دی نجات دا ذمہ لیا۔ انسان بنن لئی کواری دے گھر جنم لین تمھوں نفرت نہ کیتی۔
- ۱۷۔ جد تُوں موت دا ڈنگ توڑیا۔ تُوں اسمان دی بادشاہی ساریاں مومنناں اُتے کھول دتی۔
- ۱۸۔ تُوں باپ دی شان ورج۔ خدا دے سچے پاسے بیٹھا ہویا ہین۔
- ۱۹۔ ساڈا ایمان ہے۔ جو تُوں ساڈا نیاں کرن آویںگا۔
- ۲۰۔ سو ساڈی دُعا ہے۔ جو تُوں اپنے بندیاں دی مدد کر۔ جہناں تُوں اپنا جنگ مولا لہو دیکے چھڑایا ہے۔
- ۲۱۔ اُنہاں تُوں ہمیشہ دے جلال ورج۔ اپنے مقدساں نال رلا۔
- ۲۲۔ خداوند اپنی اُمت تُوں بچا۔ تے اپنی میراث تُوں مبارک کر۔

- ۳۳۔ اُنہاں دا آگو ہو۔ تے ہمیشہ اُنہاں نوں بزرگی دے ۛ
- ۳۴۔ روز دھاڑے۔ اسیں تیری وڈیائی کروے ہاں ۛ
- ۳۵۔ تے سدا تیرے نام توں وڈیاؤندے رہاں گے ۛ
- ۳۶۔ خداوند ا مہربانی تال ا ج ساوَن گناہوں بچا ۛ
- ۳۷۔ خداوند ساڈے اُتے رحم کر۔ ساڈے اُتے رحم کر ۛ
- ۳۸۔ خداوند تیری رحمت ساڈے اُتے نازل ہووے۔ کیوں جو ساوَن تیرا ہی بھروسہ ہے ۛ
- ۳۹۔ مینوں خداوند تیرا ہی آسرا ہے۔ مینوں کدی شرمندہ ہون نہ دے ۛ

جماعت ہُن بیٹھ جائے۔ ورد پڑھیا جائے۔ ورد دے
گروں جماعت کھلو جائے تے ہتھ بندھ کے عقیدہ پڑھے

عقیدہ

میں مندا ہاں اک خدا باپ نوں۔ چہدی قدرت ہے ات
ہے۔ تے جن اسمان تے زمین نوں بنایا ۛ

نالے میں مندا ہاں اُس دے اکلوتے بیٹے۔ ساڈے خداوند
یسوع مسیح نوں۔ جہڑا رُوح القدس دی قدرت نال گریہ ورج پیا
کواری مریم تقوں جمیاں۔ اُہنے پتطوس پلاطوس دی حکومت ورج
دکھ سہیا۔ اُہ سولی وٹا گیا۔ مر گیا۔ تے دفنایا گیا۔ رُوحاں دے
جہان نوں چلیا گیا۔ تجے دھاڑے مُردیاں وچوں جی اُٹھیا۔ اسمان
اُتے چڑھ گیا۔ تے خدا باپ قادر مطلق دے بے ہتھ ول بیٹھا ہویا

ہے۔ جتنوں اُہ جیوندیاں تے سویاں دا لیکھا لین پھیر آویگا۔
 ہووے میں مُندا ہاں رُوح القدس نوں۔ پاک کلیہ کلیسیا نوں
 پاک لوکاں دی ست سنگت نوں۔ گناہاں دی معافی۔ دیہہ دے
 جی اُکھتے۔ تے ہمیشہ دی زندگی نوں۔ آمین *

جماعت ہُن گوڈے نوادے تے خادم الدین دس حکم
 سناوے تے جماعت ہر حکم دے مگرول آکھے۔ آمین

دس حکم خدا دے

- ۱۔ تُوں میرے سامنے کسے دوجے تُوں خدا نہ جان۔ آمین *
- ۲۔ تُوں اپنے لئی کوئی گھڑی ہوئی صورت یا کسے چیز دی صورت
 جو اُپر آسمان تے یا ہیٹھاں زمین اُتے یا پانی وچ جھڑا زمین دے ہیٹھاں
 ہے نہ بناوے۔ نہ اُنہاں نوں مستحکم کیوں۔ تے نہ اُنہاں نوں پوچھیں
 کیوں جو میں خداوند تیرا خدا غیرت والا خدا ہاں۔ تے میں پیو وادیاں
 دیاں بُریائیاں اُنہاں دی اولاد اُتے جھڑے میرے نال ویر رکھدے ہُن
 نتھی چوتھی پڑھی تیکر پچاؤندا ہاں۔ تے ہزاراں اُتے جھڑے میرے نال پرت
 رکھدے تے میرے حکماں نوں مُندے ہن۔ رحم کروا ہاں۔ آمین *
- ۳۔ تُوں خداوند اپنے خدا دا نام بے فائدہ نہ لئیں۔ کیوں جو جھڑا اُدا
 نام بے فائدہ لیتدا ہے۔ خداوند اُنہوں بے گناہ نہ سمجھے گا۔ آمین *
- ۴۔ تُوں سبت دے دن نوں پاک سمجھ کے یاد رکھیں۔ چھ دن اپنی

محنت نے سب لم دھندا کریں۔ پرستواں وں خداوند تیرے خدا
 دا سبت ہے۔ اہدے وچ کچھ کم کاج نہ کریں نہ توں نہ تیرا پتر
 نہ تیری دھی۔ نہ تیرا ٹھلیا نہ تیری ٹھلن۔ نہ تیرا چوکھر۔ نہ کوئی پریا
 آوی جو تیرے کول آوٹیا ہووے۔ کیوں جو چھیاں وناں دے اند
 خدا نے آسمان تے زمین تے سمندر تے سب کچھ جو انہاں دے
 وچ لے بنایا۔ تے ستویں دھاڑے آرام کیتا۔ اس واسطے خدا
 نے سبت دے وں توں برکت والا کر کے پاک ٹھہرایا۔ آمین +
 ۵۔ توں اپنے ماں پیو دی عزت کریں۔ تاں جو تیری عمر اس دھرتی
 اُتے۔ جھری تینوں خداوند تیرا خدا دیندا ہے وودھ جائے۔ آمین +

۶۔ توں خون نہ کریں۔ آمین +

۷۔ توں زنا نہ کریں۔ آمین +

۸۔ توں چوری نہ کریں۔ آمین +

۹۔ توں اپنے گوانڈھی اُتے جھوٹی گواہی نہ دیں۔ آمین +

۱۰۔ توں اپنے گوانڈھی دے گھر دا لالچ نہ کریں۔ نہ توں اپنے

گوانڈھی دی دھٹی دا لالچ کریں۔ نہ اہدے ٹھٹھے نہ اہدی ٹھلن۔

نہ اہدے بلد۔ نہ اہدے کھوتے۔ تے نہ کسے ہووے چیر دا جو تیرے

گوانڈھی دی ہووے۔ آمین +

یاں ایناں دے ان مکھن دے نقاں ایہو پڑھیا جاوے

خداوند یسوع مسیح نے ایوں فرمایا ہے۔ توں خداوند اپنے خدا

توں اپنے سارے دل تے اپنی ساری جان تے اپنی ساری عقل
تے اپنے سارے زور تال پیار کر۔ آمین ✽
توں اپنے گوانڈھی توں اجیہا پیار کر جیہا آپ توں کر وایں ہیں

ایہناں دے یاں دساں حکماں دے پچھے جماعت
خادم الدین دے مگر مگر رایوں آکھے

اے خداوند ساڈے اُتے رحم کرتے راہ گل ساڈے دلاں
اُتے لکھ۔ جو اسیں تیرے ایہناں حکماں توں من لئے ✽
ہن جماعت بیٹھ کے گیت گاؤں تے پھیر نصیحت کیتی جائے

نصیحت

ہن جماعت خیرات تذر کرے نالے گیت گائے

خادم الدین۔ اسیں دُعا منگئے ✽

تیرو باری مقبری دُعا

فجر دی دوجی دُعا

یا رب سلوک تے پریت دی ستیا توں ہی ہیں۔ تیرے گیان بیج
سانوں زندگی لبھدی ہے۔ تیری سیوا بادشاہی ہے۔ جس ویلے ساڈے
ویری سانوں آن پین۔ اُس ویلے توں اساں اپنے عاجز بندیاں دی
مدد کر۔ تاں جو اسیں تیرے اُپر پورا بھروسہ کر کے اپنے کسے ویری

کولوں نہ ڈریئے۔ ساڈے خداوند یسوع مسیح دی قدرت نال۔ آمین

فجر دی تجی دُعا

اے خداوند آسمانی باپ قادر تے قدیم خدا۔ اج تیکرتے تُوں ساڈا
خیر خیراں نال رکھیئے۔ ہُن اپنی بڑی مہربانی نال ساڈی اس گل
دی راہی کر۔ جو اج ایس کوئی گناہ نہ کریئے۔ تے نہ کسے طرح دی
بپتا وچ پیئے۔ سگوں تیری ہدایت نال ایس اجھے راہ چلئے۔ تے
اجھے کم کریئے۔ جہاں وچ خداوند تُوں راضی ہوویں۔ ساڈے
خداوند یسوع مسیح دے وسیلے۔ آمین +

شام دی بندگی دے ویلے پُرتلیاں دو دُعاواں دے
بدلے ہیٹھلیاں دو دُعاواں پڑھیاں جان

شام دی دوجی دُعا

اے خدا نیک ارادے تے چنگیاں صلاحات تے بھلے کم تیرے
وَلوں ہندے ہن۔ اپنے بندیاں نوں اہ سکھ دے۔ جو دُتیا نہیں
دے سکی۔ تاں جو تیری تابعداری کرن لئی ایس اپنے آپ
نوں تیرے اُتوں قربانی کر دیئے۔ تے اپنے ویریاں دے دُرتھوں
تیری پناہ لیکے۔ اپنے دن سکھ نال کٹئے۔ اہ ساڈے خداوند یسوع
مسیح دے ثواب دے سبب ہوئے۔ آمین +

شام دی گنجی دُعا

اے خداوند خدا اسیں تیری مِنت کرنیاں۔ پئی ساڈے
ہنیرے نوں چائن کر دے۔ تے اپنی ہر تال اس رات دے ساک
ڈر خطریوں سانوں بچا۔ اپنے اکلوتے بیٹے ساڈے خداوند یسوع مسیح
دے طفیل نال۔ آمین

جماعت ہُن بیٹھ کے گیت گائے

دُعا بادشاہ تے حاکماں لئی

اے خداوند آسمانی باپ بادشاہاں دے بادشاہ۔ اسیں
جی جان نال تیری مِنت کرنیاں۔ پئی ساڈے مبارک بادشاہ
جارج قبصر ہند تے ملکہ میری اُتے۔ تے نالے اُنہاں ساریاں
حاکماں اُتے جھڑے اُہدے دُلوں مقرر ہوئے ہین۔ توں اپنی
رحمت دی نظر کر۔ اُنہاں نوں راہ بخش۔ پئی دانا ئی تے انصاف
تے رحم نال ساڈے دیس دا انتظام کرن۔ تاں جو تیرے پاک
نام دی وڈیائی تے تیری کلیسیا تے ساریاں لوکاں دا بھلا
ہو دے۔ ساڈے خداوند یسوع مسیح دے وسیلے

آمین

دُعا پادریاں تے جماعتاں لئی

اے قادرِ مطلق تے سدا دے خدا-توں ساڈے بشتیاں
تے نگہباناں- تے ساریاں جماعتاں اُتے جھڑیاں اُنہاں دے سپرد
ہیں- اپنے فضل دی صحت دین والی رُوح نازل کرتے
اپنی برکت دی تریل اُنہاں اُتے پایا کر- تاں جو اُہ اُہ کم کرن
جھڑے پتینوں پسند ہوں- تے کلیسیا دے سارے مومنوں توں
ہدایت تے میل تے راستی بخش تے دھرم ایمان وچ تنگڑیاں
کر- ساڈے شفیع یسوع مسیح دی بزرگی دے واسطے- آمین +

دُعا دین دی ترقی لئی

اے خدا توں ساریاں قوماں توں آگو ہی لہو تھوں بنا کے دھرتی
اُپر وسایا ہے- سمجھناں توں توں ہی پالدا تے پوسدا ہیں- اُنہاں توں
اپنے کلام دی لو وکھال- جو اُہ تینوں سچا تے اکلا خدا جانن- تے نالے
یسوع مسیح توں جنہوں توں گھلایا ہے مٹن- ساڈے اس پنجاب
ویں اُتے فضل کر- تے اپنا مبارک راج اُہدے وچ جلدی
ودھا- تے اے اسمانی باپ اپنے اُس قول توں چھیتی پوریاں
کر- جو میں اپنی رُوح سارے آدمیاں اُتے نازل کرانگا- ساڈے
خداوند یسوع مسیح دے وسیلے- آمین +

دُکھیاں لئی دُعا

اے کریم خدا ایسے اہ دُعا سنگنیاں۔ پئی تُوں سمھناں دُکھیاں
تے روگیاں تے ماڑیاں اُتے اپنی رحمت کر۔ بھانویں اُہ کسے طرح
دے دُکھ درد وِچ ہوں۔ تُوں اپنی ہربانی نال اُنہاں دی مدد کر
اُنہاں نوں تسلی تے آرام دے۔ تے اوڑک دے درجے اُنہاں
دی بھلیائی ہووے۔ ساڈے خداوند یسوع مسیح دے وسیلے نال۔ آمین

شکرانہ عظیم

اے پاک پروردگار۔ ایسے تیرے نالائق بندے۔ دل تے
جان نال۔ ساریاں ہربانیاں تے محبت دا۔ جو تُوں اپنے لوکاں
اُتے کیتیاں ہین۔ شکر کرنیاں۔ شکر ہے تیرے نام دا۔ جو تُوں
سانوں بتایا ہے۔ تے اَنگِست برکتاں دے دیکے سانوں سمجھالیا
ہے۔ پر اس گل دا سمھناں گلاں نالوں ایسے بڑا ہی شکر کرنیاں
پئی تُوں ساڈے اُتے بڑا ہی رحم کر کے اپنے پیارے بیٹے نوں
گھل دتا۔ تے ساڈی کتنی کیتی۔ تے اپنے فضل دا دروازہ دکھالیا
نالے اپنے دیدار دین دا سانوں اُمیدوار کیتا۔ خداوند ساڈیاں
اکھیاں اجیہاں کھول۔ پئی ہر ویلے تیریاں ہربانیاں یاد کر کے
ایسے دلوں بجانوں تیرا شکر کر دے رہے۔ تے نالے اہ گل بخش

جو تیری وڈیائی آسیں نہ صرف انہاں مُتہاں تے زبانوں نال۔
 بلکہ اپنے کماں نال دکھائے۔ تے تیری عبادت تے بندگی وِج
 اپنا آپ بھی سوئپ دیئے۔ تے تیرے سامنے بھلیائی وِج۔ اپنی ساری
 عمر نبھائے۔ ساڈے خداوند یسوع مسیح دی خاطر۔ آمین +

یاں راہ

تشریف پاپ تے بیٹے تے رُوح القدس دی ہووے۔ جیہی مُدھوں
 سی ہن بھی ہے۔ تے سدا رہے گی۔ آمین +

دُعَا

اے خداوند تُوں وعدہ کیتا ہويا ہے۔ پئی جتھے دُور یا تِن
 آدمی میرا نام لیکے اکٹھے ہون گے۔ اوتھے میں بھی اُنہاں دے نال
 ہووانگا۔ ہُن تیرے فضل نال۔ اساں تیرے آگے اپنیاں ساریاں
 عرضاں کیتیاں ہین۔ سو انہاں وچوں جو کج ساڈے حق وِج چنگا ہے
 اہ سائوں مل جائے۔ پر اس جگ وِج اپنی پہچان۔ تے عاقبت تُوں
 سدا دا جیون بخش۔ آمین +

فصل دا کلمہ

ساڈے خداوند یسوع مسیح دا فضل تے خدا دی محبت۔ تے
 رُوح القدس دی سنگت اساں سبھناں نال ہمیشہ تیکہ ہووے۔ آمین +

منو توں پچھوون شکرِیہ

اے قادر مطلق تے رحیم باپ تیرا ہزار ہزار شکر ہووے
پئی توں اپنیاں بندیاں دی دُعا سُن کے ساڈے وچوں بیماریاں تے منو
دا دُکھ ہٹایا ہے۔ اپنی دیا نال سانوں نوے نروٹے رکھ۔ تے اِس
نالوں ودھ اسیں راہ منگدے ہاں جو ساڈے دل تیرے شکر گزار
رہن تے اسیں اپنی ساری طاقت نال تینوں راضی کریئے۔ تے
تیرے بیٹے اپنے خداوند یسوع مسیح دے مگر ٹریئے۔ جہدی تیرے
تے رُوح القدس دے نال ہر ویلے اُستت تے وڈیائی
ہووے۔ آمین ✠

مسیحی آدمیاں یا ٹیراں دے لئی دُعاواں

کھان تھوون پہلاں دی دُعا

اے خدا اس روٹی لئی اسیں تیرا شکر کرنیاں۔ توں سانوں
اسمانی روٹی نال رجا۔ ساڈے خداوند یسوع مسیح دے واسطے۔ آمین

یاں راہ

اے خدا اہناں نعمتاں لئی اسیں تیرا شکر کرنیاں۔ اپنی بادشاہی
وچ سانوں اپنے نال کھوالیں۔ اپنے بیٹے یسوع مسیح دی خاطر۔ آمین ✠

صبح دی دُعا

اے ساڈے باپ جو اسماناں اُتے ہیں الخ

خداوند میرے اُتے رحم کر +

صبح میرے اُتے رحم کر +

خداوند میرے اُتے رحم کر +

اے اسمانی باپ۔ اس رات دی راکھی لئی تے دن دیاں
برکتاں لئی تیرا شکر ہووے۔ اپنی رُوح بیٹوں بخشدے۔ پٹی میرے
دل نوں گناہاں تھوں صاف کرے جو کجھ میں تیری مرضی دے اُلٹ
کیتا ہے اہ بیٹوں معاف کرتے اپنا پیار میرے دل وچ پا۔ پٹی لج
تیرے حکماں نوں منّاں تے تینوں راضی کراں۔ مینوں ہر اک بلاؤں
تے خطریوں بچا۔ تے جے دُکھ آوے اُہدے سہ لین دی ہمت دہ
شیطان دے دھوکھیوں تے دُنیا دے فریبوں تے نفس دیاں بُریاں
خواہشاں تھوں مینوں بچا۔ میرے سارے پیاریاں تے ساک انگاں
نوں برکت دے۔ اُہناں نوں جھڑے دُکھی ہون تسلی تے مدد دے۔ اپنی
کلیسیا نوں دودھاتے پاک کرتے سارے آدمیاں نوں اپنی پہچان دے
ہن تھوں سدا تیک میرا آگو ہو۔ جد لگ سدا دے جیون وچ نہ
آپواں۔ ساڈے خداوند یسوع مسیح دے وسیلے۔ آمین +
تعریف باپ تے بیٹے تے رُوح القدس دی ہووے +

جیہی مڈھوں سی۔ ہُن بھی ہے۔ تے سدا رہے گی۔ آمین +

شام دی دُعا

اے ساڈے باپ جو اسماناں اُتے ہیں الخ

خداوند! میرے اُتے رحم کر الخ

اے اسمانی باپ۔ میں اج تیری مرضی دے اُلٹ گناہ کیتا ہے۔ جو

کچھ تُوں میرے وِج بُریائی دِکھئی اہنتوں معاف کر۔ ہُن میں سون لئی

جاتاں۔ مینوں تے میرے سارے پیاریاں نوں اپنی پناہ وِج رکھ۔ اس

وِن دی راکھی تے پرورش تے رُوح تے جسم دیاں ساریاں برکتاں

نئی میں تیرا شکر کرناں۔ خاص اس گلے پئی تُوں مینوں مسیح اُتے ایمان لیا

دی توفیق وِتی ہے۔ اپنا رُوح القدس مینوں دے جو اہ مینوں روزِ دہائی

مسیح جیہا بنائے۔ تے ہر طرح دے جھوٹ تے گندیاں گلاں تے لالچ تھوں

پاک کرے ساریاں مُنکھاں نوں خاص کر کے اس مُلک تے ساڈے آئے

دوالے دے۔ رہن والیاں نوں اپنا چائن بخش۔ تے تیرے مبارک بیٹے

دا آؤن جیہیتی ہووے۔ اوے دی طفیل جہڑا اِکلا شفیع ہے۔ آمین

تعریف باپ تے بیٹے تے رُوح القدس دی ہووے۔ الخ

برکت دا کلمہ

خدا قادرِ مطلق باپ تے بیٹے تے رُوح القدس دی برکت میرے

اُتے ہووے۔ تے سدا میرے نال رہے۔ آمین +